



GARIS PANDUAN FASA PERALIHAN BAGI PUSAT PENJAGAAN KANAK-KANAK

Dokumen ini menyediakan langkah-langkah di mana pusat-pusat penjagaan kanak-kanak di bawah kawalan Kementerian Kebudayaan, Belia dan Sukan dibenarkan untuk menjalankan aktiviti semasa fasa peralihan dalam Rangka Kerja Pemulihan COVID-19 Kebangsaan. Pendekatan kami adalah berdasarkan memastikan pematuhan kepada langkah teras yang disenaraikan di bawah langkah-langkah Kawalan COVID-19, penggunaan *Antigen Rapid Test* (ART) untuk mengesanan awal penyakit dan memperkenalkan sekatan yang berbeza bagi individu sudah divaksinasi dan belum divaksinasi.

FASA PERALIHAN

Akan bermula pada tahap 70% perlindungan vaksinasi.

Kurangkan penyakit serius, kemasukan ke hospital dan kematian yang disebabkan oleh COVID-19.

Langkah-langkah yang akan dilaksanakan:

- Vaksinasi: Meningkatkan perlindungan vaksinasi termasuk dos vaksin penggalak.
- Pemantauan: Fokus laporan harian beralih daripada nombor kes harian kepada purata mingguan dan memberi tumpuan kepada penyakit serius dan kematian.
- De-escalation: Pembukaan semula tempat kerja, perniagaan dan sekolah secara berperingkat dengan kemungkinan sekatan peringkat rendah yang berterusan, diselaraskan untuk mengurangkan kes yang teruk.
- Pengesanan: Langkah pengesanan kenalan (Contact tracing) dan kuarantin untuk memberi tumpuan kepada pencegahan kluster COVID-19 yang besar.
- Sekatan Akses: Sekatan yang berbeza berbeza bagi individu sudah divaksinasi dan belum divaksinasi.
- Senarai Hijau Perjalanan: Menubuhkan Senarai Hijau Perjalanan dengan mengurangkan sekatan ke atas perjalanan masuk dan keluar untuk individu yang sudah vaksin penuh.



LANGKAH-LANGKAH KAWALAN COVID-19

- **Penggunaan aplikasi BruHealth:**

- **Mendaftar BruHealth:** Semua pusat penjagaan kanak-kanak mesti mendaftar untuk mendapatkan kod QR BruHealth.
- **Mengimbas Kod BruHealth:** Pemilik pusat penjagaan kanak-kanak hendaklah memastikan semua individu yang memasuki premis mengimbas aplikasi BruHealth mereka sebaik sahaja masuk (termasuk semua kakitangan/pekerja/ibubapa/penjaga/pelawat).
- **Warna Kod BruHealth:** Pemilik pusat penjagaan kanak-kanak memastikan hanya individu yang mempunyai kod BruHealth Hijau dan Kuning dibenarkan masuk. Kad pengenalan hendaklah diperiksa sebagai pengesahan.

- **Vaksin Lengkap:**

Pemilik premis hendaklah memastikan semua kakitangan/pekerja/ibubapa/penjaga/pelawat) layak diberi vaksin (tiada kontraindikasi perubatan) telah divaksin sepenuhnya.

- **Penjarakan Sosial:**

Langkah-langkah menjauhkan fizikal yang telah ditetapkan iaitu sekurang-kurangnya 1.5m antara individu jika boleh.

- **Pengudaraan Premis:**

Pemilik pusat penjagaan kanak-kanak memastikan premis mempunyai pengudaraan yang mencukupi.

INDIVIDU YANG DIVAKSIN SEPENUHNYA

Seseorang individu dianggap telah diberi vaksin sepenuhnya jika dia telah menerima rejimen vaksin yang di dalam Senarai Penggunaan Kecemasan WHO (WHO EUL) atau vaksin yang diluluskan BDMCA. Kedudukan vaksinasi dalam aplikasi BruHealth, Sijil Vaksinasi Antarabangsa atau Buku Profilaksis (Buku Kuning) individu atau rekod vaksinasi lain yang boleh diterima boleh ditunjukkan kepada pengurusan premis atau penganjur acara sebagai bukti vaksinasi.



LANGKAH-LANGKAH UNTUK PEMBUKAAN PUSAT PENJAGAAN KANAK-KANAK

Sekatan Kapasiti

- Hanya Pengurus dan Penjaga Pusat penjagaan kanak-kanak dibenarkan hadir untuk pengurusan sanitasi dan pembersihan nyah kuman dan persiapan untuk kesediaan beroperasi.

Protokol Kemasukan

- Hanya individu yang lengkap mendapat 2 dos vaksin dibenarkan untuk hadir ke premis-premis berkenaan. Bukti pengesahan vaksinasi hendaklah ditunjukkan.
- Semua individu untuk menjalani ujian ART sekali setiap minggu dengan keputusan negatif.
- Hanya individu yang mempunyai keputusan ART yang negatif dibenarkan untuk hadir ke pusat-pusat berkenaan.
- Semua individu dikehendaki memakai sungkup muka (face mask).
- Semua individu dikehendaki mengimbas Kod QR premis dengan menggunakan aplikasi BruHealth.
- Hanya individu yang mempunyai kod BruHealth warna hijau dan kuning sahaja dibenarkan masuk. Kad pengenalan hendaklah ditunjukkan sebagai pengesahan.
- Individu yang mengalami simptom dan berisiko tinggi tidak dibenarkan masuk.
- Mempraktikkan penjarakan sosial pada setiap masa.
- Mengelakkan sebarang kontak fizikal.
- Pemeriksaan suhu badan hendaklah dilakukan dan menggunakan sanitasi tangan sebelum memasuki premis.
- Memastikan Garis Panduan Kementerian Kesihatan Brunei Darussalam sentiasa dipatuhi.

Protokol Pengurusan Sanitasi dan Pembersihan Pembasmi Kuman

- Menjaga kebersihan diri sepanjang masa.
- Menyediakan tisu dan cecair pembasmi kuman di dalam untuk kanak-kanak, penjaga kanak-kanak dan kakitangan.



- Premis dan peralatan hendaklah dibersihkan dan mensanitasi sebelum dan selepas setiap penggunaan.
- Elakkan daripada individu-individu atau pekerja yang tidak berkeajaan untuk masuk kedalam premis bagi mengelakkan sebarang pencemaran.
- Papan tanda dan poster langkah-langkah pencegahan COVID-19 hendaklah dipaparkan.